



Broj: 01/1-50-1-26-37/04.

Sarajevo: 22.12.2004.

Z A P I S N I K
sa 37. sjednice Ustavno - pravne komisije

Sjednica je održana 22.12.2004. godine s početkom u 14,15 sati.

Sjednici su prisustvovali članovi Komisije:

- | | |
|----------------------|----------------------|
| 1. Mirsad Ćeman, | 4. Martin Raguž, |
| 2. Tihomir Gligorić, | 5. Nijaz Duraković i |
| 3. Beriz Belkić, | 6. Seada Palavrić |

Članovi Komisije Ivo Miro Jović, Petar Kunić i Momčilo Novaković nisu prisustvovali sjednici.

Sjednici je prisustvovao Vedran Hadžović Sekretar zajedničke službe.

Sjednici je prisustvovao sekretar Komisije Milan Zjajić i Jasmina Sazdovski student stažista.

Mirsad Ćeman je pozdravio prisutne i predložio sljedeći:

D N E V N I R E D

1. Autentično tumačenje - člana 1.10 Izbornog zakona Bosne i Hercegovine ("Službeni glasnik BiH" broj 23/01, 7/02, 9/02, 20/02, 25/02, 4/04 i 20/04), jasnoća norme – član 1.4. Zaključka
2. Produžemje roka za ulaganje amandmana i podnošenje izvještaja o Prijedlogu Jedinostvenih pravila za izradu pravnih propisa u institucijama BiH
3. Ostala pitanja.

Dnevni red je jednoglasno prihvaćen.

Ad. 1. Autentično tumačenje - člana 1.10 Izbornog zakona Bosne i Hercegovine ("Službeni glasnik BiH" broj 23/01, 7/02, 9/02, 20/02, 25/02, 4/04 i 20/04), jasnoća norme – član 1.4. Zaključka

Nakon provedene rasprave, Ustavno-pravna komisija je većinom glasova, sa tri glasa "za" i tri "uzdržana", bez glasova "protiv" utvrdila sljedeće:

Prema standardima i metodologiji tumačenja pravne norme (jezičko, logičko, historijsko, ciljno, sistematsko itd.) Ustavno-pravna komisija je ocijenila da je ova odredba Izbornog zakona BiH jasna i da se ne može razumijevati različito u odnosu na razumijevanje Izborne komisije BiH sadržano u dopisu broj: 06-50-5157/04 od 09.11.2004. godine.

Samo nejasna norma proizvodi ili može proizvesti neefikasnost pravnog sistema i povredu prava i interesa lica na koja se odnosi. Zakonodavac je dužan otkloniti takve rizike. U konkretnom predmetu to nije slučaj.

Stoga, prema mišljenju Ustavno-pravne komisije, obzirom da je norma jasna, nije potrebno davati autentično tumačenje, nego, u skladu sa prijedlogom Izborne komisije BiH, treba provesti potrebnu proceduru utvrđivanja prestanka mandata gospodinu Munibu Jusufoviću.

Naime, institut pomilovanja u teoriji i pozitivnom pravu se tretira kao "akt milosti suverena", kojim se daje oslobođanje od krivičnog gonjenja ili potpuno, ili pak djelimično oslobođanje od izvršenja kazne, zamjenjuje izrečena kazna blažom kaznom ili uvjetnom osudom ili određuje brisanje osude, ukida ili određuje kraće trajanje izrečene mjere sigurnosti zabrane vršenja poziva, djelatnosti ili dužnosti, zabrane javnog istupanja ili protjerivanja stranca iz zemlje te ukidaju određene pravne posljedice osude ili određuje njihovo kraće trajanje.

Važeće relevantno zakonodavstvo u BiH propisuje da se pravne posljedice osude mogu propisati samo zakonom i nastupaju po sili zakona kojim su propisane.

Kako odlukom Predsjedništva BiH o pomilovanju Muniba Jusufovića nije dirano u pravne posljedice osude (u konkretnom slučaju članom 1.10 Izbornog zakona BiH prestanak mandata po sili zakona) nego je kazna zatvora zamjenjena uvjetnom osudom, Ustavno-pravna komisija smatra da pravne posljedice osude nastupaju po sili Izbornog zakona BiH i da se Izborni zakon, kao *lex specijalis* u ovom slučaju ne može drugačije razumijevati.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

Ad. 2 Produženje roka za ulaganje amandmana i podnošenje izvještaja o Prijedlogu Jedinistvenih pravila za izradu pravnih propisa u institucijama BiH

Nakon održane kraće rasprave u kojoj je istaknuto da postoje određene primjedbe koje bi znatno poboljšale tekst Prijedloga, Komisija je jednoglasno prihvatila da se od Doma zatraži dodatnih petnaest dana za ulaganje i raspravu o novim amandmanima.

Ad. 3. Ostala pitanja

Kako nije bilo prijedloga za ovu tačku dnevnog reda predsjedavajući je u 14,45 sati zaključio sjednicu.

Napomena: Ova sjednica nije snimana.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman

